

卷十六

書名 烏鼠山人小集十六卷後集二卷 嘉靖十八年刊本
 撰者 明 胡纘宗 撰
 卷 卷十六
 內容分類 集- 別集- 明中葉
 索書號 集部- 別集- 7- 40
 編號 D7433900

[彩色首頁1](#)

[彩色首頁2](#)

[東洋文化研究所漢籍目錄 編號: D7433900](#)

[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 40](#)

[漢籍善本全文影像資料庫文本烏鼠山人小集十六卷後集二卷 嘉靖十八年刊本](#)

版權所有: [東京大學](#) [東洋文化研究所](#)

[使用上的注意事項](#)

烏鼠山人後集卷之一

諸子胡祕 諸生關畿校

體四言 長短句附

我結

贈籍野馬翁以進也翁 肅府引禮舍人

我廬于籍之西嶓山連阜天水循谿秋空倚

我杖藜澄波鯉躍修竹鸞棲我觴我友于籍

我社于籍之東西望義闕北眺軒宮卦爻穆

烏鼠山人後集卷一

一

鳥鼠山人小集目錄卷十六

鳥鼠山人小集卷之十六

鄉進士益都宋延年

國子生東萊丘作

明人 麻城劉瀾 校編

墓志銘

明故逸菴張翁合葬墓志銘

翁諱紹字繼宗安定人也七代祖立仕為千戶候祖
勵仕至戶部郎中并父謨仕為河間府通判送家歸
仕至吏部尚書孫璧仕為石州吏目於戲固望族也
翁生於正統癸亥十有二月甲辰卒於嘉靖甲午十
有二月丙申享年九十有二於戲壽莫與齒矣翁有

子曰世顯曰世良曰世明曰世爵世爵善屬文充長
於毛詩世顯先翁卒有子曰班亦殤矣璧世良子也
世明有子曰珮珮國子生曰琦世爵有子曰琛曰瑤
曰瑗璧有子曰以進珮有子曰以道曰以學琦有子
曰以庸翁有女二解州幕楊鉞裕州幕楊槐其甥也
有孫女二有曾孫女四於戲其嗣亦振振矣哉按按
戶部君居官久清白之操克終至今有遺響張氏所
由起也生永和永和善與人交而所交多名士不一
戶部君生紳經與翁翁年十九而永和君與陳無
二兄皆相繼卒翁哀慟執喪如老成人既長撫二
之孤猶已子二孤既長復悉所有分給之

云戶部君既廉而翁又早孤生產遂中微翁迺
諸鄉黨曰是戶部孫也成化末邊餉告急翁輸粟六
百石得給鹽若干引聽於淮揚行同翁迺蚤夜悄悄
日勉于商賈既數歲家益充矣然不驕不華故諸商
旅曰是戶部孫也弘治壬戌翁以年高行優得冠帶
如 詔亦奇遇云明年翁壽八十邦中諸耆老如倪
封君者十二人因翁迺放宋司馬公故事約爲道選
會以翁齒德咸長翁翁乃約曰是會也惟義是上惟
齒是右惟教子是先惟宣以詩惟浹以奕無他適惟
逍遙是况諸耆老悅服焉正德初從弟綱坐事謫戍

嶺表翁贖以百金將別網密以二百金托翁曰得歸
將以此終老也翁諾而藏之未絕網道卒逾數歲其
子世恩始至自嶺表翁慟甚因以其金付之世恩謝
不知翁曰若翁昔托我以終老者世恩感且慟翁復
賻以百金命歸若翁之喪於鄉云嘉靖癸未邦中大
飢民相食翁與世良以米百石賑之而邦中富商高
翁之義相率分賑者相望邦中賴以全活云歲乙酉
翁翻然曰吾客遊既久而年又最長吾胡不歸遂歸
邦中大夫士高翁之見餞送屬路且播之詩歌云旣
歸鄉人見翁鶴髮童顏若神仙中人而翁真饗樂暇
日則具鷄黍與族里中年相若者燕飲終日謂人



逸矣吾不復以汝矣因自號曰逸叟衆見翁若
亦曰翁逸矣亦稱曰逸叟云邑中行鄉飲禮縣令相
繼舉翁爲大賓翁辭不赴而請益力故諸薦紳曰尸
部君有孫矣配曰景先翁卒勤儉柔直美婦道者半
年未嘗疾言遽色與翁相若也繼曰王子未接翁聞
之吾友王夢祥云尚德哉張翁與翁終日處未見有
情密言不艱于義未嘗出諸口暢憲命子實云知翁
之處鄉黨平盍觀諸鄉飲人有負若金者悉折其券
不爲取人問之不荅翁沒弟進士尚德云知翁之處
商族乎於已無欺於人無忤故凡與翁交者惟恐失
翁也於以交翁矣世良將以次年十二月廿八

日啓景母之喪與翁合葬于西川新塔迺介王大學
應槐懷王進士應麒狀專璧過隴溪屬予銘銘曰
長于而商曰義是象敢干而鄉曰德是將歸于而坊
曰玉是藏惟千百祀是康

明故鎮平王府輔國將軍豫齋朱公合葬墓志

銘

予至汲聞 宗室崑崙子以孝鳴西亭子以詩鳴竊

歎

高皇帝之聖武

今上之仁孝宗人而有向歆也宜哉及徵諸凌川叅
伯歷田憲副則又知豫齋子之好學其子克孝而孫

高皇帝生定王封於周定王生恭靖王恭靖王生鎮

國將軍諱子圻鎮國將軍生輔國將軍諱同鐸同鐸

者豫齋也工部李伯材云予於豫齋有為羅之誼狀

且不能盡豫齋於乎可以繫豫齋矣狀有之成化十

有四年輔國生十有八年賜若名然已安安如矣廿

有三年封將軍公日詠唐詩絕句古史略不一二讀

卽成誦弘治三年公受業於蒼括金生純執弟之禮

如成人金生奇其穎悟則受以毛詩受毛詩未一年

盡得其大義而思緯涵泳且出金生意表七年娶滄

州賈判官宏之女為夫人而夫人謙約沉慧適類公

公

公宜之乃內外侍庭聞咸共若職唯謹八年公肆力於詩潛心盛唐諸體而尤長於短篇十有一年公讀易有得於順應之義因命讀書處曰豫齋而號豫齋云報金生曰夫豫則順順則動罔弗應夫豫則誠誠則動罔弗立金生曰善學矣善學全而人遂稱豫齋云子安河生安河者崑崙也十有八年

毅皇帝踐祚公稽首賀唯謹蓋公素閑於禮故長至元旦

聖誕必盛服以往國社國稷必盛服以往無間於風雨于安濟生正德元年公母由夫人卒公哀毀曾立日嘔血不食人不堪其戚也安濟生三年性峭李先

至自北郡公聞其大節而見其詩類杜體凡事

故所交多當代名公云五年金生卒於通許公哭之

痛厚賻之歸其喪六年鎮國公卒公哭躄號痛如無

所容日伏苦次遂中濕濕中左右股不良於屈信者

踰二十年八年公雖臥病猶手不釋卷安河侍起居

唯謹子安泐生十年公病就愈苟問疾故便潛然涕

下子安泐生十有二年公樂周人皆葬至是尤篤而

於諸宗人尤急云孫睦擇生睦擇者西亭也安河子

十有五年曾夫人卒夫人疾篤公執之手曰欲何言

夫人曰安河公曰吾子也夫人首肯之因以家政付

安河曰爾克家爾毋卽含笑矣十有六年公病瘳艱

予起居猶手不釋卷見安河孝養則又輿以出入時
咏歌焉嘉靖元年公每與崆峒先生端坐終日若忘
其疴癢焉者子安救生五年公禮客於別室氏竊
金左右欲掩發公止之卒不暴氏名八年子安濫
生公敬諸庶母而愛諸庶弟雖鎮國亦感悅云九年
公病不能撫卷猶說詩不懈或觀奕聽琴坦如也見
陸桴詩計乃笑曰爾欲效松雪乎曰吾欲師謫仙耳
則又笑曰有是哉十有二年安河以孝聞
上遣扈行人永通捧 敕旌安河公大勳曰賈夫人
不及見矣十有三年公疾大作安河侍晝夜唯謹公
不堪其備慰之曰差夫人生命耳抑何為哉乃九月

三日卒卒之日汝人無問識與不識皆為畫哀曰宗

人有豫齋者好學今已矣夫十有四年十有二月四

日崆峒將啓賈夫人之封合葬公于白塔原崆峒子

所署父安之阡乃丐憲副張子歷田徵予銘予謝不

敏復丐參伯傅子凌川懇予銘予謝不敏已乃崑崙

西亭徒跣立于門久之左丞孫子毅菴曰可以銘矣

然予不及見豫齋今見崑崙 不愧古今予凡西

亭不愧古騷人於戲可以考豫齋矣公以好學鳴而

七子皆封奉國將軍六女皆封縣君六孫皆封鎮國

中尉而况有安河陸桴也可以銘矣銘曰

峩峩者階五肩有吾齋粲粲者史五肩有吾子翩翩者

吾有吾孫斯千百年永安于白塔之阡

明故 敕封承德郎順天府宛平縣知縣李君

墓志銘

封君子大舅父伯子也乙未夏予與封君別于東川
封君曰吾未耄也子元芳日欲乞養爾止之吾郎即
若郎爾教之今豈期遂長別邪於乎痛哉丙申冬予
與郡丞子實哭封君子泫水之濱為位而奠之郡丞
曰元芳日欲乞養先君先君力止之而今不可
於乎痛哉按狀封君姓李氏諱喟字仲昌其
也高祖諱文秀避元于秦安遂為秦人其
墳以耕讀世其家四子祖諱記廿六季



與予祖南皮府君善並以文學鳴于隴西未仕卒有
才而未竟厥施人以為惜云配曰周四子父諱鵬其
長也先淑人伯兄也生而博厚美姿姿與入交恢恢
有大度鄉里敬重焉弘治乙卯輪邊例授以冠帶外
祖國子公早卒諸弟妹皆鞠于舅父尤愛先淑人舅
父樂道人善見人力學敦禮便欣然稱美不啻若已
有尤愛續宗是生封君及考城君岱登州丞元芳而
舅父之遺休振振也四子封君其長也封君少有美
質善屬對及長個儻豁達人以為弗及而封君亦自
以為弗及也善農善御諸僕御諸僕以恩以威舅父
因以家付之封君而家益裕正德丁卯輪邊例亦授

以冠帶兩部邊儲河西皆未及期告完當路惜其能
云恨不爲吏爲吏當爲良有司其年弟仲充舉于鄉
封君曰儻吾母愛子也乃躬送之京師而不以爲勞
李氏秦安右族而封君又審識事體故邑中有吉凶
事多主于封君封君亦樂爲之王故邑人往往以事
質之封君封君善談然多直人有過輒面斥之雖豪
貴不避庚午元芳舉于鄉封君曰嘗夢先君謂予曰
元芳當舉今果然然不及見矣嘉靖己丑隴西大饑
封君傾所貯粟給諸貧者約豐歲始還有棄其四歲
于干水者封君援之以歸活之人目爲更生兒今成
人矣壬辰元芳拜宛平令明年遇

恩詔封封君女元芳官配馬爲安人元芳爲承德郎
婦董亦爲安人予扁其堂曰四封鄉里以爲榮云死
平政蹟懋著有聲 輦轂下封君益不欲死平歸云
躬逢

明天子得爲良有司即可稱孝矣奚以歸爲丙申夏
宛平以三載考最遷山東登州府同知至登州方具
板輿迎封君云大人不至登州元芳不仕也乃秋九
月二十有九迎者未至秦而封君卒矣於乎痛哉封
君生成化丙戌九月二十有九日詎其生享年七十
有一亦壽矣子男一即郡丞孫男二恂如怡如皆業
儒孫女二一適何志一適劉好謙皆宦家子郡丞

嘉靖丁酉某月某日葬封君于東川塋次謂予曰知先君者莫如公銘先君者非公邪嗟乎予銘封君分也予不能銘封君情也於乎痛哉搵淚而爲之銘曰東川之滸九龍之麓蒼然却顧邈焉攸伏封君是隩

明故雲南寧州知州堅君合墓墓志銘

予觀寧州公才士也承廣平時會予于京師予以政問曰紀綱不立不可言政予心異之既聞其能立政歷官至州守而又忤權貴人而後知其言有徵也今之稱良有司者多甲科以爲子生而守術邑而刻

詔得輸邊而入太學丙午卒業太學丁未春聞若考梅菴公計墜馬三日不食及奔歸而若妣氏疾復篤太守躬湯藥踰月衣不解帶及卒哭嘔血不止弘治己酉復卒業太學壬戌謁選于朝授畿內廣平縣丞司大僕馬未踰歲馬政甲他邑以才改山東掖縣而職益舉人有姦惡必祛之事有盤錯必釐之有聲于掖正德戊辰以御史臺薦遷博平尹慨然曰令非丞比吾其強勉焉於是嚴若法恕若令於凡田賦訟獄咸秩秩有度有惠于博壬申東郡盜起所至塗毒太守効死以守博平得無恐百姓爲立祠以報太守甲戌遷畿內薊州守未幾改通州薊州民群白于

當路不果留既至通謂然曰衝莫如通吾以約任之
劇莫如通吾以簡任之權貴姿肆莫如通吾以正任
之通遂治中貴人迫董同知墮河太守抗以援之因
以狀聞中貴人遂得罪明年太守以公罪當奏中
貴人指摘之罪及都官廷尉左遷太守雲南蘭州同
知聞者惜其去而榮其行云成寅至蘭州以誠撫若
夷若夷帖服而畿內中丞言通州守歲守通有美政
通人思之請復歲于通乃復雲南通安州守當道命
審獄多所平及滇南中丞以才薦改守寧州嘉靖改
元至寧寧素稱難治而多土官而又無城而又兼攝
十八砦太守亦以誠撫之逾年而城成寧官民咸感

太守謂太守能撫已既以疾乞去不果丁亥春疾果
作遂不起太守遠祖繼善世爲元都元帥府達魯花
赤鎮岷州國朝洪武初歸附詔賜岷州衛千夫
長曾祖忠嗣改秦州衛以北征功累官都指揮封成
紀伯

文皇帝內靖成紀伯逆戰于白溝死之後追祀功臣
配享廟廷焉祖銳嗣敕守備金州父獻嗣即梅
菴喜讀書賦詩而武略尤長被選守禦禮縣千戶所
餘廿年得夷漢心毋魯氏魯河西世家也兄昂嗣太守
其季也兄子守仁嗣以功遷指揮僉事差乎太守其
積不旣遠哉太守生成化丁亥四月八日卒嘉靖丁

亥正月四日享年六十有一女兄適刑部馬主事體
元生克孝方襁褓而孤而又多疾太守鞠之至成之
克孝舉舉于鄉女弟適王指揮驥以肝病卒太守終
身不食肝配馬氏馬受若翁松江丞家教每以樸素
勵不媿於若祖侍御有婦道焉初巨寇攻博平甚
急馬帥子婦守舍後并戒曰此吾人死所也博平人
聞而高之太守卒宜人孀居十年未嘗有笑容不赴
宴哀感太守終身宜人生成化壬辰某日某日卒嘉
靖乙未十月二十有七日年六十有四子男三守魯
取席氏守惠取高氏守廉取王氏女一適指揮使王
孫男一磐文五一適指揮僉事于蕃一適高繼先

一聘席綵餘尚幼嗟乎太守其流不既長哉嘉靖丁
酉某月某日守魯將合葬太守公乃徒跣而至大梁
乞予銘予重太守君而取守魯為之銘銘曰

世有崇勳輿肇自元肆長岷州

高皇覃恩成紀儋爵白溝虎首竭身効死孤忠用敦
備金御禮爰有蘭孫承我承我花縣載翩劇郡載翁
矯矯文鶴權貴既忤五馬復尊惟賢斯薦臺丞載言
寧州玉頰通州鵬翥藏之鳳麓千古斯存

明故 敕封承德郎工部都水司主事顧君墓

志銘

封君姓顧氏諱銓字文衡浙東慈谿人也其先山東

人宋高宗時遠祖曰澤將宦會稽曰誤以明經仕為
餘姚州學正樂慈谿山水因家焉 國朝永樂初曾伯
祖曰道仕為左春坊司諫曰慤仕為司經局正字乃
後科第相望遂為慈谿故家矣父曰文有隱德不仕
四子長封君也封君幼而穎慧長而嚴格精舉子業
善楷書手錄古今秘書不倦而又旁通醫卜諸書正
德間應鄉舉不第入而溫故出而訓士歷寒暑不輟
復應鄉舉復不第而學益勤懇懇懇復累應鄉舉復
累不第鄒人以為異封君自若也自是益訓士不懈
封君曰寧困人人自困耳將學吳中吳人每延為師
封君訓人必盡其所蘊吳東脩厚封君盡歸以



隱君絕不入私室佃人納若租苟以乏當即贖其減
第鉞卒封君有地若干畝卜者察其地吉即以葬第
無難色而又撫其子如子叔父其貨物於人而遺於
道封君偶拾之以俟遺者既詢知之即以還以父而
緘如故寓吳書舍中有女夜奔者三封君皆厲色拒
之一時吳越知名之士皆出封君之門而封君之教
不替始終不間親踈其教諸士猶其教諸弟諸子見
水部迅發猶勉之曰業必精弗精弗舉也吾非不解
時文乃屢不第意者弗精耳水部樂親友封君深然
之見勝已者加禮焉嘉靖戊子水部舉于鄉封君曰
可一舉足矣壬辰登進士第封君曰吾雖未第狎既

第祖業不墮矣書以誠水部曰入官矣然有節焉節
不檢則名不立名不立則政不舉非學也惟慎惟敬
毋矯毋同水部既拜都水部主事書以諭水部曰人
以司泉源爲清秩吾以司泉源爲要務人以治水爲
盡職吾以治水爲報國非兢兢曷司非孳孳曷治水
部服其教唯謹丙申水部以封君年逾七十迎養寧
陽行部見水部盡心泉事曰斯不負所學矣勿耻敝
衣勿羞糲食必永厥終必不替厥始斯不負所學矣
一介不苟取分也一人不苟朴法也一事不苟作禮
也士所以樹德也水部服其教唯謹寓寧陽日惟課
諸孫誦讀每閉戶靜坐雖蔬圃不窺其分冬遇



恩詔封承德郎工部都水司主事配孫氏

安人於平榮矣其生天順辛巳八月十有三日

丁酉八月九日卒于寧陽年七十有七於平壽

聞封君性剛毅而言鯁直宗族鄉黨敬禮之始若

近終皆服其直是爲句章故家矣四子長水部也水部

紳也次聽次翺次翎翎早卒孫六長璉次珍次龍次

璉次瑞次玗女一叔水部將奉封君於某年某月某

日歸葬慈湖之澣以予嘗參知浙省而歷句章知封

君也馳狀請予銘予未接封君觀水部知封君矣銘

人以其仕聞吾以其隱聞人以人事

君吾以子事

君欲考先生之令德不有感於斯文

明故朝列大夫 周府保昌郡君儀賓郭公墓

志銘

嘉靖十有六年冬十月辛亥朝列大夫 周府保昌郡君儀賓郭公卒嘉靖十有七年春二月丁巳葬朝列大夫儀賓郭公按譜公姓郭氏諱昂字大軒其先北平人也遠祖義卿元末避兵乃徙大梁之祥符居焉徙祥符五世矣乃爲祥符人居梁之聞歌坊世業農義卿傳之曾大父哲哲傳之六父寧寧傳之父泰然皆寡兄弟泰傳之朝列公乃遂有二子乃遂有五

孫乃遂有二玄孫世業儒於梁稱右族焉朝列翁言子曰鳳翱登唐皇榜進士官至陝西按察司副使曰鳳儀登姚涑榜進士仕爲浙江湖州府同知有孫曰東曰南曰中曰西曰朔皆郡學生而郭氏爲大梁望族矣始予會憲使于吳中見其眉抱豁達而又好與之相友而知其有朝列翁也繼予聞郡丞于越器識端恪而又好文與之相通乃益知其有朝列翁矣及宦游于梁得見朝列翁容止條條言論侃侃則又知憲使郡丞之並以治行起於中州也茲寓齊斯不忍聞朝列翁計矣朝列翁生于成化乙酉六月某日享年七十有三而乃有憲使郡丞諸君子爲之後

於戲雖遐舉亦復何憾哉按狀朝列翁少時折節讀書奮欲見用 明時 汝陽恭僖王第十鎮國將軍見朝列翁穎異而悅之被選而尚保昌主食祿四百石 誥授朝列大夫賜四品服而朝列翁猶誦讀不輟曰大丈夫當錄用 明時今雖未獲取科第登仕版何可以尚主遂輟不學乎朝列翁善書能鼓琴其書效趙子昂喜為歌詩每對客揮毫藻思飄逸若宿構焉者見者嘆服云使為弟子員當取上第而翁亦以文學自娛焉所著有靜齋集平居好客所交多知名士樂施予里閭中有貧不能葬者即助之葬助之葬者累數十人為其幼時皆為翁父所鍾愛翁

每曰昔吾先人愛子也既尚室乃盡以先世所產與之二弟梁人嗟嘆以為不及也憲使兄弟生頹慧朝列翁親課之曰吾不得用世以報

主畢吾志効用 明時以報

主其在二子而憲使郡丞乃卒成立云憲使兄弟後益仕翁皆諭以居官當以廉貞為先日大丈夫志豈在溫飽吾有薄田足供俯仰爾兄弟能堅所操即可成名人子見充囊歸者心竊恥之憲使兄弟服其教乃後憲使兄弟居官皆起聲聞人皆以歸翁云嘉靖辛卯憲使兵備固原聞翁病即以考績歸省因抗疏終養

命未下而憲使顧以疾先卒朝列翁以爲痛梁人以爲不偶朝列翁哭憲使復病郡丞自湖州亦抗疏乞終養許之歸養者七年茲乃得親棺斂郡丞以爲痛梁人以爲不偶朝列翁慷慨士也生而魁梧長而儼多智而能辯里閭中有疑難事質於翁翁數言而決質者悅服聞有司政有不宜於民者輒上書明其不可累數千言有司多采納云翁素有大節樂急人之難而又多識百物錯陳于前一覽而真贗悉別與大梁名公鉅卿相酬酢而翁童顏兒齒怡如也故大梁有郭儀賓之名聞之四方不以憲使兄弟也故卒之日梁人咸感悼之郡丞舜符自爲狀介

按察僉事王君秀屬予銘予表其憲使兄弟而又宦游于梁曾接翁也不容辭爲之銘曰

孰昌吾美翩翩者子孰修吾恩楚楚者孫君子壽考以悠悠終老

敕封太孺人冉母墓志銘

嘉靖乙未予丞河岳聞中牟冉氏以介世其家丁酉予撫海岱會冉侍御歷下得悉其家世唯介戊戌冉母封太孺人李卒會早使使省封侍御冉翁翁因以計報侍御侍御即徒跣歸中牟而因以其銘屬予予弗獲辭今歲予撫河岳侍御馳楊刑部祐狀徵予予弗獲辭按楊氏母侍御里人也祖貴父椿世業農生

太孺人太孺人生而貞淑六歲母亡鞠於祖母尚尚
憐其沉默教以禮見太孺人日無言日事女紅無懈
日李氏其有女乎既笄而歸封侍御封侍御世業儒
太孺人日躬井日紡績不啻如田間婦封侍御節之
太孺人勤勵如故而封侍御得專工問學焉成化甲
午封侍御舉為鄉進士顧謂太孺人曰非子之力乎
然自笄至偕老未嘗有違言封侍御偶觸怒太孺人
每委曲解之怒曲平弗已内外有當務事太孺人每
先事白之事得不墮正德某年封侍御拜長清尹長
清為齊饒邑鎮中貴屬意長清封侍御不為動邑
中惡少逆中貴意中傷之封侍御以為虞太孺人曰

吾寧濯濯人何得缺缺後其事竟白中貴因街公調
秦之文尹尹文復有嚴當路廉其介改尹麟遊尹麟
存復有嚴故至今長清文麟遊稱冉知縣焉而太孺
人衣浣衣食糲食文猶長清也麟遊猶文也及歸行
李不加多入其舍四堵蕭然牟人曰令尹公廉孺人
儉冉氏其以清白成家乎既封侍御歸於鄉猶未仕
也於諸伯叔姊姒友愛踰他人每歲時伏臘太孺人
知封侍御意其諸酒殺不喻而具諸伯叔姊姒稱之
無問言撫摩諸子姪不啻如保嬰兒故諸戚屬子女
無親疎無不戴太孺人如母焉有子曰宗儒嘉靖丙
子舉鄉進士拜豐潤母豐潤有能嚴以薦改尹保定

尹保定復有能聲乃復累被薦曰崇禮嘉靖壬辰登
進士拜西安尹尹西安有循良聲以薦召為雲南道
監察御史有鯁直聲今奉

敕按戎齊魯初侍御樂浙西山水迎養封侍御孺人
西安太孺人見侍御 硯不持曰於若翁有光矣丙

申 九廟成

天子覃恩再翁再母得被文林郎太孺人

敕命焉豸冠霞帔橋梓墳莞照耀閭里梁人以為榮
而封侍御自若也太孺人生於天順六年七月二十
有五曰卒於嘉靖十有七年十有二月二十有九日
年七十有七矣子男四長保定君次崇詩次侍御



次崇信女一歸國子生曹來崇孫男人長夢麟次夢
龍次夢說次夢彌次夢賜次夢能次夢雲次夢松相
女六俱幼侍御兄第十巳亥六月二十有四日葬太
人子其先篋為之銘曰

庭有椿其陰翳蔚皆有蘭其香馥馥堂有萱無萱其
流芳穆穆其分穆穆其孰曰藏玉

祭文

祭封少保楊翁文

於乎累世昌有如翁者邪惟德惟貴惟富有于其身
亦難矣而况有于其子邪而况有于其諸子邪而况
有于孫邪而况有于其諸孫邪惟翁啓厥躬彰厥子



行厥孫令終厥世夷考之舉世莫有如翁者也德惟
上賢貴惟公卿大夫之父之祖而又重學憲臺官者
子孫之祿而又享奉千石舉世曷有如翁者也翁雖
沒殆百世而永存也少師魏謩大鄉嚴巖兩進上卓
卓是為子莫如翁太史之閭閻中翰信信三進士郁郁
是為孫莫如翁且士公家世稱盛者或延及其子或
蔓及其孫而翁則日履其宗公識其美獻彩者翩翩
造其言書其言翁且詩高之象之重藩且為德莫如
翁貴莫如翁富莫如翁翁雖歿固百世而永存矣是
故紀翁之盛雖刻之岷峩之頂與山永重曷有既也
故凡為翁知者將為翁頌莫為翁哀將為翁紀其哀

為翁慟續宗師事翁子而友重翁孫者也敢為翁
且為翁告惟翁昭止惟翁格止

祭凡子禱文

於乎禱兒爾何忍遂棄爾父邪爾父愛爾爾愛爾父
爾何忍遂棄爾父邪爾能讀書能理家能家事爾父
惟爾言是聽惟爾志是喜爾何忍遂棄爾父邪於乎
人邪天邪極痛而不能哭我何能慰爾父邪往歲哭
祇兒於蜀今又哭會凡於吳爾輩能讀書學字文者爾與
祇耳我所望於爾與祇者不小以為可以述祖繼父
也祇早平無任哀慟今爾又早逝其何勝痛傷邪於
乎爾果已矣邪果如祇兒令我不復見邪天邪人邪

極痛而不能哭雖爾父亦何能慰我邪爾有父與爾
兄爾婦爾女知有所庇矣爾極雖在萬里爾父與我
與爾力能致爾於吾鄉用安爾魂爾神有知其安
之我宦居金陵而今又北上不能撫爾極為爾奠特
專人於爾寓令董孫代我奠之爾其享我酒聽我文
以知我慟

祭兄子裡文

於乎余忍作文祭爾哉余見爾慷慨好施個儻好客
知倦倦恭養爾父念念不忘惟爾母若爾宜乎壽永而
爾早卒余忍作文祭爾哉萬里之懷百年之慟思爾
痛爾哭爾恨不能臨爾棺招爾魂痛爾以禮爾

忍作文祭爾哉爾極予任之必致爾於吾鄉萬萬不
至遺爾也縱爾父有疑予亦當獨任之爾其安之有
俎在豆肴酒在觴仰以奠爾惟爾洋洋

祭火災文

夫火民賴以生者也豈可災民邪而况皖民疾苦尤
甚又豈忍災之邪今者火災六見畧不恤民使民瀕
洶無聊火豈不仁哉必南以致之也諦思之豈我有
司為政不仁火欲昭示因以及民而不暇恤邪亦豈
皖民貿易之際重重輕輕不得其平火欲懲之而不
暇擇邪然亦不宜如是之慘且烈也豈寧賊圍城之
日妄肆殺戮濫及膏膚之輩其寃未釋其魂未散結

而為此而不自知其非邪亦豈城下之人卒被兵臨
避患不及積遺戈刃不平之氣無從泄發藉此而伸
而不自念其親與鄰邪然亦何可延且頻也夫火有
神也使我有司不仁罪豈在皖民使皖民不公豈人
人而然使客兵之魂果在彼其鄉當自有安厝處使
皖人之冤尚結我有司當為奠而瘞之矣神其有靈
盍為我一拯弭馬續宗等謹備剛鬣紫毛清醴庶羞
敬申下虔伏祈垂登

祭安慶名宦文

德音孔嘉民受其賜澤流伊長不啻百世惟業有陰
是若是也信哉後人以瞻以嗣

祭安慶鄉賢文

廬江毓秀濠嶽鍾靈惟多君子乃有若人前賢踐履
後學儀刑文物既昌風化亦淳

祭安慶名賢文

惟賢之生乃世之端於地為嶽於天為星惟諸君子
或宦於斯或寓於斯或產於斯或勲業著於朝或
文章鳴於世或才望振於時聞見罕出壯觀快觀惟
我後學百年仰止今茲仲秋禮宜脩祀謹以牲醴羞
果用申薦私惟神昭止惟神格止

祭安慶列女文

女子之身男子之志善人之資捨人之事于生有光

于死無愧于教是補于倍是勵

祭余忠宣公文

先生不死元可以猶生先生死元何能復存於維先生文章華國氣節蓋世淮西干城江南砥柱名震華夷忠貫天日仁至義盡綱持紀立今茲忌辰禮宜脩祀謹以牲醴羞果式陳明薦以郎中韓公萬戶李公配

祭王宜人文

於乎予也忍祭爾哉嘗與爾潔祭儀議祭事以共修家庭祭禮維爾整飭尤力而今乃祭爾矣於乎痛哉夙興夜處不敢懸爾容拭爾 誥啓爾由檢爾服偶

有所矚便不知所為爾苟知邪堂

徹天淚何能徹泉徒痛予耳復何

祭潛山潛水吳塘堰文

惟神司水惟水司沃惟誠感神惟靈昭告惟田映惟山沛王惟民允沾惟神攸屬

又

粵堰之鑿惟神啓之粵堰之闢惟神祐之粵堰之疏惟神導之粵堰之厚惟神昌之粵堰之長惟神衍之厥惟堰哉惟神復哉堰所依惟山惟神奕奕焉堰所須惟水惟神洋洋焉堰所仰惟時惟神茂對育物焉堰之民銜恩堰之官荷德謹以潔牲用申明薦

祭張大叅潛文

嗟嗟東谷而蘊坦坦兮嗟嗟東谷而履昭昭兮嗟嗟東谷而出卓卓兮嗟嗟東谷而退翼翼兮戶曹侃侃兮春宮燁燁兮郡齋巖巖兮藩垣子子兮廣也思其去兮魯也欣其來兮岷也生以榮兮華也死以哀兮續宗分在友朋之末茲者道出古鄭不能分執六事之一敬此申告靈其不昧伏惟尚享

祭大宗伯二泉邵公文

惟江以南山衆矣其孰如慧山泉衆矣其孰如慧泉石泉衆矣其孰如泉翁山俯湖兮獨秀泉通海兮獨石翁名當時而聞後世兮獨遠舉飄然於平若翁豈

竟止是哉

明天子眷翁斯文倚翁蒼生理會翁者

美於乎豈竟止是哉牧守化行省郎政達宗主教立監司風肅徽垣名著中丞舉廣漕府績舉司徒政成宗伯化興留都望重而竟待母不起著書不出朝野海隅望之有鳳皇千仞不下之氣象而不知翁也及竟止是哉續宗嶺公之教矣萬仞巖巖嘗讀公之書矣千頃汪汪嘗悉公之政矣春陽煦煦嘗歷公之履矣秋空洋洋茲者思翁不見聽翁不聞敬陳小奠頓首翁前用申翁知續宗續宗知翁之私惟翁昭止惟翁格止

祭文簡公毛先生文

初續宗侍先生於史局見先生侃侃而正也循循而
毅也既續宗拜先生於春官見先生嚴嚴而重也休
休而別也既又聞先生迎立 龍御閭閭而弼也栗
栗而厲也既又聞先生進講 經筵便便而謹也礪
礪而適也薄海內外無不願先生與我東川先生並
登 內廷為 中興伊傳者而今俱已矣於乎豈天
不欲天下蒙二先生之澤哉抑二先生天上文成不
能為天下少留哉蒼生咸悼斯文共傷况在續宗何
勝感愴敢潔牲醴薄肴俎觴

祭鶴山書院土木之神

惟神司土惟神司工惟茲地政為宋了翁賜第惟神

惟幽惟神道宜明惟出入匪宜惟大中丞吳公是
度是興惟幽是闢惟明是遷惟百工作事惟神是祐
惟不日落成惟神是相惟吉日經始惟良辰圖終惟
神是妥敢告

勅贈監察御史周翁祭文

始也未式翁門登翁堂然聞翁者詳矣翁也維方正
聖人式欽焉維雅樸邑令式歆焉可以知翁矣人有
美匪我弗埴人有忒匪我弗敷人有枉匪我弗直不
必考翁之履入翁之堂可以知翁矣侍御翁仲子也
聞焉焉為倨焉冠豸而衣繡不必識翁之面拜翁之
後可以知翁矣翁將歸 夢至有牲在俎有醴在尊拜

手載獻拭銘載敦維翁僑止維翁格止

祭寇封君文

孰倡孰啓我書我詩既友既翁乃墳乃筮肆出肆處
為邦為倖將大將昌遂引遂代以燕以翼有桂有蘭
寶穎實發于途干磬如鳳如麟載游載翔於豐於鎬
武龍式光君子若孫時芽時茁曰卿曰令允牧允弼
爰 敕爰 誥是褒是崇乃金乃紫攸寵攸同維水
維丘亦薦亦繡厥生厥榮害祥害壽嗚呼哀哉一夕
訃至千里憂形罕山歌薤涂水勒銘敢致生芻敬奠

幽庭

祭司馬寇子厚文

昔續宗西還也唯吾子信於行省送於南橋蓋惓惓
焉茲續宗復過涂濱也不復見子矣踟躕轉轉能不
痛傷邪惟子卓行翩翩世崇其學固將繼薛文清公
而挽回也而今已矣於乎痛哉惟子偉績巖巖世覩
其勲固將嗣王端毅公而興起也而今已矣於乎痛
哉惟子廷尉平反太守循良京兆撫綏中丞保釐司
寇明弼司馬翊運斯文倚如温公之復入斯民仰如
萊公之再起

明天子方寵任之而子已矣於乎痛哉惟子垂帷都
下續宗得廁文學之末惟子分符南都續宗得從政
事之後日有所見月有所法也而子已矣思惟追慕

誌不痛傷邪於乎哀哉續宗痛不能文哀莫為禮聊
薦新阡少申夙誼惟神昭只惟神格只

祭蔡少司馬文

吁嗟乎石岡翩翩吉士木天咀華俶俶給事瑣闥吐
葩三執外臺憲度聿貞兩叅行省國計式程吁嗟乎
石岡閩也啓其英齊也沃其惠遼也頌其平秦也服
其恪晉也欽其明吁嗟乎石岡敷歷既偉簡在斯專
僉都獨擢副都載遷惟雲中兀兀惟公間關其間惟
雲中嗷嗷惟公周旋其間蓋盡誅則玉石曷分
則董猶曷甄吁嗟乎石岡 賚以司馬

不知其難責以風紀人不知其難吁嗟乎石岡

聞計而悼斯文聞祖而傷有牲在俎有酒在觴惟公
炯炯惟公洋洋

祭李宜人文 李川甫僉憲配

倬彼宜人克相夫子夫子顯名宜人媲美於戲孰發
鮮兮孰操井臼兮孰登科兮孰奉饗簞兮孰刺郡兮
孰先後兮孰持憲兮孰左右兮於戲官業成兮而忘
而 貞兮家道昌兮而志而襄兮戚族麻兮而忘而
凋兮僕御從兮而忘而恭兮故蒿渚子云予今有怒
誰予平兮予今有憂誰予明兮於戲聰穎者宜人曷
早溼兮淑婉者宜人曷先宥兮馨吾牲兮其惟昭昭
兮臭吾醴兮其惟泯泯兮

祭臨清州守夏公文春秋

何牧非守公守惟良何僂弗化公化惟彰公子視民
曰公惟仁民考視公曰公惟神鎮濟者梟匪公曷
備清者莠匪公何除魁為我災惟公是援獄不我平
惟公是反公惟復民賈弗知漁公惟作土農亦知書
公殂在郡公靈在民公歸在天公澤在人守豈無賢
公賢嚴明宦雖有名公名廉貞其死也哀其去也思
臺覈既實 廷覈復宜宗伯曰都
天子曰俞公祀云獨民祀云俱茲惟仲春牲醴既澤
公某有知庶幾來格

祭孺人文海山作御母也

子未及拜孺人得交待御而知孟母之循循未湏信
孺人得會貴士而知韋母之洗洗未獲壽孺人得親
恩教而知几席之曾温未能吊孺人得覽世傳而知
杯捲之猶存於戲欲式蘭堂之美盍考休徵之獻鯉
欲瞻霞帔之榮盍觀考叔之遺美於戲日欲歸省者
梁公斯陟岵之何堪日欲乞養者令伯顧號栢之曷
瞻於戲攬轡者遊子母氏有知應憐其千里捧檄者
國士母氏幼勞敢忘其三祀生芻遙致寸心共傾惟
侍御將我夙敬惟孺人鑒我微誠

吊寇封君文

矯壁水以淬礪儼天衢而奮蜚駟五馬之別駕寄太

雅於金徽憶太行之佳麗望五柳而遊歸羨仙郎之
騰踏指洛社以振衣羌 鳳勃之初被拜廷尉於
端闈荷 龍誥之荐頒晉中丞而著緋欣子孫於滿
前嗣袍笏以交輝介眉壽之多祉忽鶴吊而人非風
晨發以浙浙雨暮作而霏霏雲失龍而黯黯蘭空谷
以翻翻悲司寇於道周阻上國之征駢歆温命而眷
祀侈殊寵於荆扉式大中以起拜慕千仞之德輝揖
靈輻而仰止頌者舊以獻歎

祭漕河文

惟神司土惟神司水惟土司平惟水司委惟河既沛
惟水斯止惟渠既疏惟漕斯理今特告濬惟神祐只

惟上効力惟神相成惟漕奉功惟神有牲存祀
惟神歆只有酒在野惟神有牲存祀

祭總河朱中丞文

吾見錦衣鼎食者矣未見不恥燕衣惡食如吾公者
者也吾見交如膠漆翻若雲雨者矣未見不為人厚
不為人薄其淡如水如吾公垂者也吾見勲業巍巍
聲聞赫赫者矣未見成憲式遵舊章式由循循翼翼
如吾公垂者也吾見高論侃侃危行焯焯者矣未見
言不出口體不勝衣如吾公垂者也守滑州其介擘
擘也副瀾臺長閼臺其簡子子也參制省丞制藩其
直卓卓也總河其易業業也方擬遠遊詎意長逝于

里東芻百年揮涕

墓銘

故孝義龔永墓銘

卓卓三原之才放于石州卷于孝義用承新鄉之烈而垂嘉州之裕

故封監察御史徐君墓銘

三山之下三江之上个峯是蹲是為封君之原松桂是繁千古其是存

故李孺人劉氏墓銘

壽是扈武城是助平涼之却是附秦安是度石嶺原是墓

故錦衣衛百戶閻君墓銘

岍之陽厥土孔良厥玉孔藏斯百世其永藏

故董處士墓銘

齒于而鄉飲于而鄉三讓于而堂安于而藏

故四川夔州府照磨江君墓銘

發于寧波光且如灼照乃如燭藏于隴干映將如燭

故永和靖惠王安妃墓銘

惟靖惠屹如惟嗣王舉如惟妃之力勃如惟汾娜如惟綿碓如惟若藏爰如

哀辭

路且之哀詞



溪北有路子溪北無猛虎溪北有猛虎溪北無路子
已矣乎路子善飲者醉爾何獨醒善賈者富爾何獨
貧不情者不直爾安得獨貞不善者不從爾安得獨
仁

周恭人哀辭

堂有萱鬱鬱茂兮萱有華灼灼秀兮一夕萎兮下有
蘭蘭有芽其何侑兮堂有萱藹藹殖兮萱有莖亭亭
直兮一夕折兮下有蘭蘭有芽其何值兮堂有萱離
離緩兮萱有葉粲粲垂兮一夕靡兮下有蘭蘭有芽
其何順兮萱兮存兮憂可忘兮萱不可忘兮萱兮天
兮憂不可忘兮萱可忘兮



此書係由上海圖書館藏
...
...



